

Ulloq 8. Maj 2017

Inissianik attartortitsinermit isertitanik, maanna konto pingaarnermi 72.10.16 Inissiat attartortittakkat ingerlanneqarnerat iluanaarutisiatut immikkoortinneqartunit isertitat ukiumi tallimani annikilliarthortillugit isumalluutaajunnaarnissaat pillugu Naalakkersuisut peqquneqarnissaannik Inatsisartuni aalajangiiffigisassatut siunnersuut.

(Inatsisartunut ilaasortaq Bendt B. Kristiansen, Inuit Ataqtigiit)

Inatsisartunut ilaasortap Bendt B Kristiansen Inuit Ataqtigiit siunnersuutaanut soqutiginarthumut Siumumiik immaattumik oqaaseqassuugut.

Siumumiik siunertaasumut assorujussuaq paasinnikkatta oqaatigissuarput. Siunnersuutigineqartumilu takusinnaasoraarpullu piginnittunut iluanaarut tunniunneqartartoq unitsinneqarpat tamanna attartortuusunut akiliutikinnerulernermik kinguneqarsinnaasoq.

Ullut tamangajalluinnaqqissaasa, pingaartumik inissaaleqiffiunngittuni ineqarnermut akiliutip qaffasippallaarujussuarnera eqqartortuarparput. Ilami allaat inissiat attartortittakkatta akii ima qaffasitsigipput nammineerluta attartortitsisutut akilerneqarsinnaasariaqarmata tapiissuteqartarluta.

Siunnersuuteqartup qulequtsiussaani allanneqarsimasutuut Namminersorlutik Oqartussat iluanaarutissatut pissarsiarisartagaasa allatut sangutikkiartuaarnissaa siunertaarpasippoq. Tassa aningaasat iluanaarutitut tiguneqartaraluartut attartortitsisuni uninngaannartittalernissaata angujartuaarneqarluni annertunerusumik asserfallatsaaliinernut atorneqartalissasut minnerunngittumillu attartortunut akimik qaffatsaaliuineq angujartuaarneqarusulluni.

Siumumiik isumaqartuaannarpugut inissiat pisortat pigisaat pitsaassutsiminnut angissutsiminnullu naleqqiullugit akisuallaarujussuurtut.

Siumumiik inissiat akisuallaarnerujussui pillugit oqallitsitsisarpuq. Naalakkersuisullu ataasiaannaratik isumasioqatigiisitsinermik ingerlatsisarlutik.

Tamatuma kinguneraa qujanaqisumik ineqarneq pillugu aaqqissuusseqqinnissamik siunniussa-qarneq. Tassalu Naalakkersuisut akissuteqaataanni takusinnaasatsinni aallaaviusussat soqutiginaartut akiliutillu katitigaanerannik misissueqqissaarnertalik ingerlanneqartussaammat.

Soqutiginarluinnartullu aamma ilangivaat Naalakkersuisoqarfiit arlariit suleqatigalugit ineqarnermut tapiissutit pillugit attartortitsinermut inatsit nutaaq allanngortinniarneqarmat. Taamaalilluni isertita-kinnerusut akunnattumillu isertitaqartut iluaquserneqarnissaat qulakkeerneqassammat.

Taamatut oqaaseqarluta Naalakkersuisut akisuteqaataanni takusinnaasatsinni siunnersuuteqartup siunertaatut isikkoqarmat siunnersuut manna itigartikkatsigu oqaatigissuarput.

Jess Svane

Siumut